

## Cov tsev kawm ntawv/cov tub ntxhais kawm ntawv twg tsim nyog rau Title I?

### Cov tsev kawm ntawv ...

Cov tsev kawm ntawv uas qhov feem puas ntawm cov tsev neeg uas tau nyiaj tsawg ntawd nws nyob li ntawm los sis siab tshaj cheeb tsam tsev kawm ntawv theem nruab nrab (average) mas yuav tsim nyog rau cov kev pab los ntawm Title I.

Cov tsev kawm ntawv yuav yog ib lub ntawm ob lub nram qab no:

1. cov tsev kawm ntawv uas tau kev pab uas cov tub ntxhais kawm ntawv tau raug xaiv raws tej yam uas yuav tsum tau muaj los koom rau hauv Title I; los sis
2. cov tsev kawm ntawv thooob plaws hauv tsev kawm ntawv uas muaj 40% los sis ntau tshaj ntawd tus tub ntxhais kawm ntawv yog los ntawm cov tsev neeg uas tau nyiaj tsawg. Lub tsev kawm ntawv tsim nyog los tsim ib co kev pab cuam los pab rau tag nrho cov tub ntxhais kawm ntawv. Cov niam txiv thiab cov kws qhia ntawv yog cov txiav txim seb yuav siv Title I li cas thooob plaws hauv lub tsev kawm ntawv.

Cov me nyuam uas nyob hauv cheeb tsam tsev kawm ntawv uas nws nyob uas tsim nyog mas yuav suav rau hauv txoj kev koom tes tsis hais seb nws tsev neeg tau nyiaj npaum li cas.

### Cov tub ntxhais kawm ntawv ...

Cov tub ntxhais kawm ntawv uas kawm hauv cov tsev kawm ntawv uas tsis yog nom tswv li (non-public) uas nws nyob hauv ib cheeb tsam kawm ntawv uas muaj nom tswv ib lub tsev kawm ntawv uas tau kev pab Title I mas yuav tsim nyog rau cov kev pab los ntawm Title I. Yuav siv tib co qauv ntsuam xyuas hauv kev xaiv cov tub ntxhais kawm ntawv hauv cov tsev kawm ntawv uas tsis yog nom tswv li rau txoj kev pab cuam Title I. Yuav qhia ntawv tau hauv ib lub tsev kawm ntawv uas tsis yog nom tswv li .

Yuav siv tau Title I cov nyiaj rau qib preschool txog qib kawm 12. Cov cheeb tsam tsev kawm ntawv feem coob mas yav tas ib txwm siv Title I cov nyiaj rau cov kev pab cuam rau qib preschool thiab cov qib kawm pib. Title I cov kev taw qhia tam sim no txhawb kom muaj kev pauv hloov tau yooj yim, tswv yim tshiab, thiab ncauj ke tshiab los tsim cov kev pab cuam raws tus tub ntxhais kawm ntawv cov kev xav tau.

*“Lub tsev yog lub plawv muaj sia thiab tswj xyuas mus tas li hauv tus me nyuam txoj kev kawm ntawv.”*

*- Dorothy Rich, tus kws qhia ntawv*

Yog tias koj muaj lus nug, hu rau koj txoj kev pab cuam Title I hauv zos.



Tsim los ntawm

**Wisconsin State Reading Association**  
**Pawg Saib Xyuas Title I**  
[www.wsra.org](http://www.wsra.org)

Koom tes nrog

**Tuam Tsev Saib Xyuas Tsoom Fwv Kev Qhia Ntawv Dawb**  
<http://dpi.wi.gov/>

thiab

**Wisconsin Title I Association**  
<https://sites.google.com/site/wisconsintitle1associationwt1a/home>

Rov luam dua 2015  
Muab luam dua yog thaum xav tau.  
Nrhiav tau cov qauv ntawm daim ntawv qhia no nyob rau cov websites saud.

# Title I



**Koom Tes Ua Ke Kom Tub Ntxhais Kawm Ntawv Tau Zoo**

# Title I pab cov tub ntxhais kawm ntawv, cov kws qhia ntawv thiab cov niam txiv!

## Title I yog dab tsi?

Title I yog ib txoj kev pab cuam uas tau kev pab nyiaj los ntawm nom tswv teb chaws nyob rau hauv Tsab Cai Txog Kev Kawm Ntawv Qib Pib thiab Qib Nrab (Elementary and Secondary Education Act) (ESEA). Los ntawm Title I, muab cov nyiaj rau cov cheeb tsam tsev kawm ntawv thooob plaws hauv teb chaws raws seb muaj pes tsawg cov tsev neeg uas tau nyiaj tsawg hauv ib cheeb tsam twg. Ib cheeb tsam twg siv nws cov nyiaj ntawm Title I rau cov kev pab qhia ntawv ntxiv rau cov me nyuam uas xav tau kev pab qhia ntawv tshaj plaws. Lub tseem ntsiab ntawm txoj kev pab cuam Title I yog los pab tag nrho cov tub ntxhais kawm ntawv kom ua tau raws li cov qauv siab uas xav kom tag nrho cov tub ntxhais ua tau.

Nyob rau hauv cai lij choj rau Title I, cov tsev kawm ntawv thiab cov tsev neeg sib koom tes ua ke los pab cov tub ntxhais kawm ntawv uas xav tau kev txhawb nqa kom ua tau raws li cov qauv siab hauv kev kawm. Tseem fww pawg tsim cai lij choj tau muab txoj kev pab nyiaj no rau cov cheeb tsam tsev kawm ntawv uas tsim nyog txij li xyoo 1964 los.



*“Cov niam txiv, cov tub ntxhais kawm ntawv, thiab cov kws qhia ntawv npaj ua ke thiab teeb tsa cov hom phiaj los ua hauj lwm ua ke kom tub ntxhais kawm ntawv tau zoo.”*

## Niam Txiv Txoj Kev Raus Tes

Hauv Title I, cov niam txiv thiab cov kws qhia ntawv tsim ib txoj kev koom tes ua ke uas sib ze heev. Cov niam txiv pab los npaj thiab saib xyuas lawv lub tsev kawm ntawv thiab cheeb tsam tsev kawm ntawv txoj kev pab cuam Title I. Kev raus tes hauv zos ua kom peem tsheej tias txoj kev pab cuam yeej pab tau raws li cov tub ntxhais kawm ntawv hauv Title I cov kev xav tau. Tseem xav txhawb kom cov niam txiv los koom tes rau hauv Title I cov koom txoos rau tsev neeg uas txhawb nqa txoj kev zoo siab ntawm kev kawm ua ke.

Txoj kev tshawb fawb qhia tau tias niam txiv txoj kev raus tes mas nws tseem ceeb heev rau tub ntxhais kawm ntawv txoj kev kawm ntawv tau zoo thiab kev ua tau ib yam dab tsi. Cov niam txiv yuav muaj feem pab tau lawv tus me nyuam lub tsev kawm ntawv txoj kev ua tau zoo los ntawm txoj kev raus tes yam zoo kawg nkaus hauv lawv tus me nyuam lub tsev kawm ntawv raws li cov kev nram qab no: (Marzano, 2003 )

- Xyuas kom kev sib txuas lus qhib lug
- Koom tes rau hauv cov kev khiav dej num hauv tsev kawm ntawv xws li ua hauj lwm li ib tug kws pab tus kws qhia ntawv, ua tus qhua tuaj nyeem ntawv los sis qhia ntawv, los sis mus ua hauj lwm pab dawb
- Rau siab mus koom tes rau hauv txoj kev tswj koj tus me nyuam lub tsev kawm ntawv thiab tawm suab

## Title I yog ib txoj kev koom tes

Txhua lub cheeb tsam tsev kawm ntawv muaj ib tsab cai hais txog tsev neeg txoj kev koom tes, uas qhia txog cov kev uas cov tsev neeg yuav koom tau hauv lawv tus me nyuam txoj kev pab cuam Title I.

Tsev neeg, lub tsev kawm ntawv, thiab tus tub ntxhais kawm ntawv tseem tsim ib daim ntawv cog lus uas teev txoj dej num ntawm txhua txoj kev koom tes hauv kev kawm. Txoj dej num uas sib koom ua no yuav ua rau tub ntxhais kawm ntawv kawm tau ntawv zoo zog.

## Cov tub ntxhais kawm ntawv koom tes

Hauv cov tsev kawm ntawv uas tau kev pab, cov tub ntxhais kawm ntawv raug xaiv los koom tes rau hauv Title I raws kev ua tau hauv chav kawm, thiab qhov uas xeem tau. Vim tias tsis muaj nyiaj txaus, tsis yog tag nrho cov tub ntxhais kawm ntawv uas tsim nyog yuav tau kev qhia ntawv hauv Title I—txhua xyoo tsuas yog pab cov uas “xav tau kev pab heev tshaj” xwb

Cov dej num (projects) uas muaj thooob plaws hauv lub tsev kawm ntawv txhawb cov kev pab cuam rau tag nrho cov neeg hauv lub tsev kawm ntawv. Tag nrho cov tub ntxhais kawm ntawv yuav koom tau rau hauv cov kev pab los ntawm Title I.

## Cov kws qhia ntawv koom tes

Cov kws qhia ntawv hauv Title I tsim cov kev pab uas yuav muab cov tub ntxhais kawm ntawv tso rau ntau yam kev kawm. Txoj kev pab uas hloov tau mus los yooj yim no mas muaj rau hauv ib chav kawm rau txhua tus me nyuam los sis hauv Title I ib chav kawm uas nws nyob nws rau ib qho. Cov kws qhia ntawv muab kev qhia ntawv tshwj xeeb kom los pab txhawb thiab pab rau txoj kev qhia hauv chav kawm.

Title I cov kev pab cuam hais ntsees txog txoj kev coj xeeb ceem zoo hauv kev kawm thiab cov qauv kawm ntawv uas siab. Title I cov kws qhia ntawv ua hauj lwm nrog cov tsev neeg los sis qhia txog cov tswv yim uas yuav los pab lawv cov me nyuam kom kawm tau ntawv zoo zog.

Kev kawm ntxiv rau cov neeg ua hauj lwm yog ib qho tseem ceeb hauv tag nrho Title I cov kev pab cuam. Qhov no yog los ua kom tag nrho cov me nyuam muaj cov kws qhia ntawv uas tsim nyog kawg nkaus.